



ՇՐՋԱԿԱ ՄԻՋԱԿԱՅՐԻ ՆԱԽԱՐԱՐ  
Հ Ր Ա Մ Ա Ն

«29» «հունվարի» 2026 թվական N° 14-Լ

ԱՇԽԱՏԱՆՔԱՅԻՆ ԽՈՒՄԲ ԱՏԵՂԾԵԼՈՒ, ԴՐԱ ԱՆՀԱՏԱԿԱՆ ԿԱԶՄԸ ԵՎ  
ԱՇԽԱՏԱԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով վարչապետի 2018 թվականի հունիսի 11-ի N 745-Լ որոշման հավելվածի 18-րդ կետի 20-րդ ենթակետը.

Հ Ր Ա Մ Ա Յ ՈՒ Մ Ե Մ`

1. Ստեղծել աշխատանքային խումբ Հարավային Կովկասի գեոպարկերի ցանցային ծրագրի շրջանակներում Հայաստանի Հանրապետության Վայոց ձորի մարզում ազգային գեոպարկի և Հայաստան-Վրաստան անդրսահմանային գեոպարկի ստեղծման աշխատանքներին օժանդակելու նպատակով (այսուհետ՝ աշխատանքային խումբ):
2. Հաստատել աշխատանքային խմբի անհատական կազմը՝ համաձայն N 1 հավելվածի:
3. Հաստատել աշխատանքային խմբի աշխատակարգը՝ համաձայն N 2 հավելվածի:

Հ. ՄԱԹԵՎՈՍՅԱՆ

1/29/2026

X *S. Mambardzum*

ՀԱՄԱՐՁՈՒՄ ՄԱԹԵՎՈՍՅԱՆ

Signed by: MATEVOSYAN HAMBARDZUM 2809920230

Երևան

Հավելված N 1

Շրջակա միջավայրի նախարարի  
2026 թվականի հունվարի 29-ի  
N 14-Ն հրամանի

**ԱՆՀԱՏԱԿԱՆ ԿԱԶՄ  
ԱՇԽԱՏԱՆՔԱՅԻՆ ԽՄԲԻ**

Արա Մկրտչյան	շրջակա միջավայրի նախարարի տեղակալ (աշխատանքային խմբի ղեկավար),
Արման Ավետիսյան	շրջակա միջավայրի նախարարության հողերի և ընդերքի քաղաքականության վարչության պետ,
Խաչատուր Խաչատրյան	շրջակա միջավայրի նախարարության հրավաքանական վարչության պետ,
Սևակ Մարկոսյան	էկոպարեկային ծառայության պետական անտառների, անտառային հողերի և բնության հատուկ պահպանվող տարածքների ռիսկերի կառավարման վարչության պետ,
Հարություն Վանյան	կրթության, գիտության, մշակույթի և սպորտի նախարարության պատմության և մշակույթի հուշարձանների պահպանության վարչության պետ (համաձայնությամբ),
Դիանա Կարապետյան	էկոնոմիկայի նախարարության զբոսաշրջության կոմիտեի զբոսաշրջության մարքեթինգի և խթանման վարչության պետ (համաձայնությամբ),
Աշոտ Գիլոյան	տարածքային կառավարման և ենթակառուցվածքների նախարարության տեղական ինքնակառավարման քաղաքականության վարչության պետ (համաձայնությամբ),
Նարինե Հակոբյան	շրջակա միջավայրի նախարարության հողերի և ընդերքի քաղաքականության վարչության պետի տեղակալ, ՅՈՒՆԵՍԿՕ-ի 1972 թվականների կոնվենցիայի բնության ժառանգության մասով ազգային պատասխանատու (աշխատանքային խմբի քարտուղար),
Հակոբ Մաթևոսյան	շրջակա միջավայրի նախարարության բնության հատուկ պահպանվող տարածքների և կենսաբազմազանության քաղաքականության վարչության պետի տեղակալ,

Արթուր Հովհաննիսյան

պաշտպանության նախարարության գլխավոր  
շտաբի ռադիացիոն, քիմիական և կենսաբանական  
պաշտպանության գործերի վարչության շտաբի պետ-  
վարչության պետի տեղակալ, գնդապետ  
(համաձայնությամբ),

Տիգրան Բաղդասարյան

արտաքին գործերի նախարարության բազմակողմ  
քաղաքականության և զարգացման  
համագործակցության վարչության ՅՈՒՆԵՍԿՕ-ի  
և բազմակողմ կրթամշակութային  
համագործակցության բաժնի վարիչ  
(համաձայնությամբ),

Ատոմ Մխիթարյան

շրջակա միջավայրի նախարարության  
ռազմավարական քաղաքականության վարչության  
գլխավոր մասնագետ,

Արմինե Գևորգյան

շրջակա միջավայրի նախարարության հողերի և  
ընդերքի քաղաքականության վարչության գլխավոր  
մասնագետ,

Մերի Աղաբաբյան

շրջակա միջավայրի նախարարության միջազգային  
համագործակցության վարչության ավագ մասնագետ,

Ռոման Սահակյան

ազգային անվտանգության ծառայության  
աշխատակից (համաձայնությամբ),

Վահրամ Բարայան

ազգային անվտանգության ծառայության  
աշխատակից (համաձայնությամբ):

Հավելված N 2  
Շրջակա միջավայրի նախարարի  
2026 թվականի հունվարի 29-ի  
N 141 հրամանի

## ԱՇԽԱՏԱԿԱՐԳ ԱՇԽԱՏԱՆՔԱՅԻՆ ԽՄԲԻ

### I. ԸՆԴՀԱՆՈՒՐ ԴՐՈՒՅԹՆԵՐ

1. Սույն աշխատակարգով կանոնակարգվում է Հարավային Կովկասի գեոպարկերի ցանցային ծրագրի շրջանակներում Վայոց ձորի մարզում ազգային գեոպարկի և Հայաստան-Վրաստան անդրսահմանային գեոպարկի ստեղծման աշխատանքներին օժանդակելու նպատակով ստեղծվող աշխատանքային խմբի գործունեությունը:

2. Աշխատանքային խումբն իր գործունեության ընթացքում ղեկավարվում է սույն կարգով և այլ իրավական ակտերով:

### II. ԱՇԽԱՏԱՆՔԱՅԻՆ ԽՄԲԻ ԳՈՐԾՈՒՆԵՈՒԹՅԱՆ ՆՊԱՏԱԿԸ

3. Աշխատանքային խմբի գործունեության նպատակն է օժանդակել Հարավային Կովկասի գեոպարկերի ցանցային ծրագրի շրջանակներում Վայոց ձորի մարզում ազգային գեոպարկի և Հայաստան-Վրաստան անդրսահմանային գեոպարկի ստեղծման աշխատանքներին:

### III. ԱՇԽԱՏԱՆՔԱՅԻՆ ԽՄԲԻ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ

4. Աշխատանքային խմբի գործունեությունը կազմակերպվում է նիստերի և անհրաժեշտության դեպքում նաև դաշտային ուսումնասիրությունների միջոցով:

5. Աշխատանքային խմբի նիստերի ընթացքում քննարկվում են ծրագրի իրականացման ընթացքում կատարվող աշխատանքները:

6. Աշխատանքային խմբի նիստերին խորհրդատվական ձայնի իրավունքով կարող են

մասնակցել հրավիրված պետական պաշտոնյաներ, մասնագետներ, փորձագետներ և ըստ անհրաժեշտության հրավիրված այլ անձինք:

7. Աշխատանքային խմբի անդամը պատասխանատու է աշխատանքային խմբի աշխատանքների արդյունավետ իրականացման համար, պարտավոր է մասնակցել աշխատանքային խմբի նիստերին:

8. Աշխատանքային խմբի ընդունած որոշման հետ անհամաձայնության դեպքում աշխատանքային խմբի անդամը ներկայացնում է գրավոր կարծիք, որը գրառվում է աշխատանքային խմբի նիստի արձանագրության մեջ և կցվում դրան:

9. Աշխատանքային խմբի անդամն իրավունք ունի աշխատանքային խմբի ղեկավարից ստանալ տվյալներ, հաշվետվություններ և այլ անհրաժեշտ տեղեկատվություն:

#### **IV. ԱՇԽԱՏԱՆՔԱՅԻՆ ԽՄԲԻ ՂԵԿԱՎԱՐԸ**

10. Աշխատանքային խմբի ղեկավարը հրավիրում է աշխատանքային խմբի նիստերը, ձևավորում է օրակարգը և վարում է նիստերը:

11. Աշխատանքային խմբի ղեկավարը ստորագրում է աշխատանքային խմբի նիստերի արձանագրությունները:

#### **V. ԱՇԽԱՏԱՆՔԱՅԻՆ ԽՄԲԻ ՔԱՐՏՈՒՂԱՐԸ**

12. Աշխատանքային խմբի քարտուղարը նախապատրաստում է նիստի օրակարգին վերաբերող համապատասխան նյութերը և կազմակերպում նյութերի տրամադրումն աշխատանքային խմբի անդամներին (պաշտոնական էլեկտրոնային փոստերի միջոցով), արձանագրում է աշխատանքային խմբի նիստերը և դրանց հիման վրա կազմում արձանագրություններ, վարում է աշխատանքների հետ կապված գործավարությունը, գրանցում է աշխատանքային խմբի անդամների ներկայացրած կարծիքները:

#### **VI. ԱՇԽԱՏԱՆՔԱՅԻՆ ԽՄԲԻ ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ**

13. Աշխատանքային խմբի գործունեությունը դադարեցվում է Հարավային Կովկասի գեոպարկերի ցանցային ծրագրի շրջանակներում Վայոց ձորի մարզում ազգային գեոպարկի և Հայաստան-Վրաստան անդրսահմանային գեոպարկի ստեղծման աշխատանքների ավարտից հետո: